



Plata dla Ploania Antermëia Sant'Antone Abat

UNITÉ PASTORALA



Ploian: siur Paul Campeï
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann B 20.05.2018 - 27.05.2018 - GRAN FESTA DE PASCA
DE MA n. 25

Na vita plena é le früt dal Spirit Sant

📖 St.Ap 2, 1–11 | 1 Co 12, 3b–7.12–13 o Gal 5, 16–25 | Jan 20, 19–

Dal Vangele do San Jan:

¹⁹La sëra dl pröm dé dl'edema, canche i discepui â, dala tëma dan dai iüdes, sarè pro les portes, é l gnü Gejù, é jü amesa ëi ite y ti à dit: Pêsc a os! ²⁰Do chëstes parores ti àl mostrè sües mans y so costà. Dailó se ralegrâ i discepui da odëi le Signur. ²¹Gejù ti à ciamò n iade dit: Pêsc a os! Sciöche le Pere m'à menè mè, insciö ves mëni iö os. ²²Do ch'al à albü dit chësc, ti àl fladè ados y ti à dit: Recioiede le Spirit Sant! ²³A chi che os ti lascëis do i piccià, ti ési lascià do; y a chi che os ne ti i lascëis nia do, ne ti ési nia lascià do.



Atlamaziun

DLA DOMËNIA

*Vi, Spirit Sant, a implì i cörs
de tü credenç, y impeia te ei le
fü de to amur. Alleluia.*

📖 *Letöres dla GRAN FESTA DLA SS. TRINITÉ | domënia DLES FAMILIES:
Deut 4, 32–34.39–40 | Rom 8, 14–17 | Mt 28, 16–20*

Edema liturgica dai 20.05. ai 27.05.2018

2018	Ora	Mëssa
PASCA DE MÀ 20.05 <i>Festa dl Spirit Sant</i>	9.30 10.00	<i>Corona a onur dl Spirit Sant</i> Gran Messa solena por la comunité a onur dl Spirit Sant + siur Heinrich Videsott
LÖNESC 21.05 DE PASCA DE MÀ <i>zelebrazion de s.Maria uma dla Dlijia</i>	9.30 10.00	<i>Corona a onur dl Spirit Sant</i> s. Messa a onur dl Spirit Sant + siur Heinrich Videsott + Otto Kircher
MERTESC 22.05		
MERCUI 23.05	7.25 20.00	s. Messa di scolari ++ Rungger <i>Corona</i> <i>referat cun siur Markus Moling “dè inant la fede al dedaincö” – te salf dles manifestaziuns</i>
JÖBIA 24.05		
VENDRES 25.05	7.25	s. Messa + Vittoria Turnaretscher <i>Corona de mà</i>
SABEDA 26.05	18.00 18.30	<i>Corona de mà</i> Messa prefestia aniversar Moritz Prada aniversar Giovanni Rizzo
SS. TRINITÉ 27.05 <i>Domenia dles families</i> FESTA DI IUBILARS	9.30 10.00	<i>Corona de mà</i> Gran Messa a onur dla SS. Trinite por les families y i iubilars fam. Pepi Dejaco, Mair aniversar Heinrich Frenner

Informaziuns y terminns

Referat cun siur Markus Moling en dedemesaledema, 24.05. : *Düc é der bel invià a to pert, deache dè inant la fede é cossa de düc, y la fede dess ti stè a cör a vigni credënt.*

Por la **Prozesciun de Jeunn** vëgnel ince en chësc iade metü adöm n **cor de ëi peregrins** por daidé zelebré musicalmënter la liturgia dla Mëssa ia en Jeunn. Porchël é düc i ciantadus che vá en Jeunn dër bel inviá da gní a cianté y da tó pert ales döes proes tignides dal dirighënt Elio Clara en dedölönesc, ai 29 de ma y en dedölönesc, ai 5 de jügn, dales 20.00, tl salff dl cor de dlijia a La Val.

UNIUN MUSIGA DA SAN MARTIN: La **Musiga da San Martin** pó invié cun plajëi düc i amanc de musiga al **concert d'aisciöda** en sabeda, ai 26 de ma, dales 20.30 tl gran salff a S.Martin. I Ves aspetun cun ligrëza!

Referat cun Susanne Steidl te Raiun Sozial a Picolin - Tl cheder dles incuntades dl grup de autoaiüt „Atmosfera“ por porsones cun problematiches psichiches sarál en **jöbia ai 24 de ma 2018** n domisdé cun Susanne Steidl dal titul „I ciafi mia balanza, danter alc y basc“ cun consëis pratics y eserzizi de relassamënt. I se incuntun dales 15.30 te Raiun Sozial Val Badia a Picolin, prenotaziuns fina ai 23 de ma al 0474/524552 al é má 15 posc a desposiziun. Düc/Dötes é dër bel inviá/des

Rosalinda la stufosa, teater por pici y gragn. La vacia Rosalinda mina da savëi sciöche i atri tiers y le paura á da s'astilé, tres ára val' da critiché y ara brontora döt le de. Le paura ne la tëgn nia plü fora y porchël ti cumprel na cherta dl fliher por l'Africa. Da canche Rosalinda é tl'Africa se sënt i tiers y le paura indô lëdi da fá ci che ti sá plü bel, mo do da n'edema Cun Silvia Liotto, Veronica Irsara y Roland Pizzinini, rejia de Erika Castlunger. Le teater é da odëi a Al Plan tl salff dla Cassa Raiffeisen en vëndres 25 de ma dales 18.00, a La Ila tla Ciasa de Cultura en sabeda 26 de ma dales 18.00 y a San Martin de Tor tl Istitut Ladin en domënia ai 27 de ma dales 18.00. L'entrada é debann.

En sabeda ai 26 de ma dales 20.00 saral Angela Palfrader , Simon Brandlechner y Renzo Huber che portarà dant tla dlijia d'Al Plan trei **cantates dal tēmp da Pasca por usc, vidora y clavicembalo** de G.Ph.Telemann y na sonta por vidora y clavicembalo de G.Fr.Händel. Düc é dër bel inviá.

Le **cor da Viena „cantus iuvenis“**, sot ala direziun de André Comploi, röia indô te Südtirol. I ciantarins jogn se presentëia cun n concert dal titul „trus“ che é da aldí en vëndres, al pröm jügn, dales 19.30 tla Ciasa Ragen a Bornech y en sabeda, ai 2 de jügn, dales 20.00, tla Ciasa J.B. Runcher a Badia. Le program da corusc y stii musicai desvalis contëgn ince composiziuns ladines. Al vëgn presenté por le pröm iade la ciantia „Le lisció“ scritta da Iaco Rigo y componüda da Iarone Chizzali.

La Ciasa de Palsa a San Martin á a disposiziun 5 (cinch) cuartiers destiná a porsones sura 65 agn ciamó autonomes. *(ciarede tl'ultima plata dla cöra)*

I crëii al Spirit Sant ...

.. che al po demendrí mi preiudizi
 .. che al po cambié mi vic
 .. che al po superé mia indiferenza
 .. che al po me avisé dal mal
 .. che al po me dé coraje por le bun
 .. che al po la davagné sön mia tristeza
 .. che al po me dé forza te mia vita
 .. che al po perforé mi ester

JEDER GLÄUBIGE
 IST BEGABT.
 DENN DURCH DEN
 HEILIGEN GEIST
 BIST DU, SIND SIE,
 BIN ICH MIT
 GABEN BESCHENKT.
 NIEMAND IST LEER
 AUSGEGANGEN.



Mësses a Rina:	Dom 8.30 Lön 8.30 Jöb 7.25 Sab 19.30 Dom 8.30
Mësses a San Martin:	Dom 9.30 Lön 9.30 Dedol 19.30 Jöb 7.30 Sab 18.30 Dom 8.15

	21.05.2018	Stefan - Armin – Maria - Emily
	22.05 - 26.05.2018	Kathrin - Kristel
	27.05.2018	Nicol – Ilary – Miriam – Sara – Tom - Lorenz - Damian - Oscar
	21.05.2018	Carlo Piazza
	26.05.2018	Martina Dejaco
	27.05.2018	Giovanna Rubatscher
	<p>Les mius aodanzes por le compliagn ti fajunse a Sottrovisch Giuliana (79) y Clara Paolo (88). Döt le bun.</p>	

Impressum:
Comunicaziuns:
Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it